

Ukucita Umulinganya

Ibumba Lyabumi lya tendekwe mu ncende bainike ukuti "Icifulo Camisoka". Pa mwaka umo Ibumba Lyabumi lyalepepela pa bantu abaishibikwe ukuti eba ntalamisoka ba mu ncende ilya. Bushiku bumo baitileko abo bene abantu ku Ibumba Lyabumi. Bapapile pa kubeta, abo bantalamisoka baile kabili panuma ya nshita bapangile bu cibusa na ba membala wa Ibumba Lyabumi. Ici cabatungulwile kuli Yesu no kupeela imyeo yabo kuli wene, atendeke ukupilibula imyeo yabo! Na panuma ya ico, imisoka yalicepele sana ne shina lya mushi lyali wama sana nombala!

Ici ecilangililo ca ba membala wa Ibumba Lyabumi abaiminine pamo mu mulinganya no ku leeta ukupilibuka kwa ncende. Uyu emutima wine uwa kukonka Yesu. Ifwe fwe bena Kristu teti tusuleko fye ku fintu mu ncende shesu ne calo ica tushinguluka. Lesa wesu ni Lesa uwasakamana umulinganya mukushika. Afwaya ifwe, fwe abantu bakwe, ukulwila umulinganya no kwafwa isonde ilya tobaika ukundapwa.

Isonde lino lyaisulamo ukukana linganya. Twikala mwi sonde ilya cimfulunganya, inkondo, icipowe no bupina ubwakulisha. Abantu balapingwilwa na pa mulandu wa nkanda yabo, icitetekelo ne fyo basuminamo. Cila bushiku abantu balalilwa pa mitwe, ukwibilwa no kushitishiwa mu busha. Abantu balecula mukukonkana ku finkukuma, amalwele no kwaluka kwa michele. Isonde talili nga ifyo Lesa alefwaya ukuti libe.

Lesa lyonse afwaya ifwe, fwe bana bakwe, tukwatemo ulubali mukupela ubwasuko. Yesu alelandilako abalekeleshiwa, abatitikihiwa naba kankambwa. Tulingile ukucita cimo cine. Muli Mateo 25:40 Yesu atile, "Ndemweba icine cine, ukuti lyonse ilyo mwakumbuswike munyanane umo, nangu engacepa shani, ninshi nine wine mwakumbuswike."

Tontonkanya pa bantu mu ncende yobe. Bushe incende yobe kuti yaba shani nga cakuti mwalemona abantu bonse nga fintu mumona Yesu? Bushe kuti mwalaba citila mumusango umo wine? Bushe muli nokuleka fye umuncishanya onse uyo mumushi wenu? Bushe muli nokwikala fye no kutamba abantu balebaletitikihiwa, ukubalila pa mutwe no kubebila? Uku ekusonsomba ukwafikapo ukufuma kuli Yesu. Nga tutila twalitemwa Yesu, lyena ninshi tulingile ukulanga icitemwiko cine ico ku bantu abalekeleshiwa, abacincitilwa na basuulwa. Ulubali lumo ulwa citemwiko ici ku balandilako mu fintu ifyo balekumanya ifya muncishanya. Ifwe bonse twalishiba amafya ayaba mu ncende shesu kwati cimo cine na Ibumba Lyabumi mulyashi lyesu, Kuti mwakwata ulubali mu bwasuku bwakwa Lesa kuli aya amafya.

Bikeni Muku Cita!

Muncishanya nshi uwa kulisha mu mushi obe uyo umona? Kuti aba umuntu uyo balila pa mutwe, nelyo ibumba lya bantu abo bacusha sana. Umulungu uli ku ntanishi, mukakumane pamo nabena Kristu bambi nokupepela pali ifyo fintu ifyo Lesa abikile mumitima obe. Sendeni inshita iya kutontokanya pa ntampulo mulingile ukusenda pakuti mucitepo cimo pali ifyo.

Pepeni ukutula:

- 1) Lesa akakulanga ukwaba umuncishanya mu ncende yobe.
- 2) Mupashi wa Mushilo akakupela ukushipa na mano ukubomba mu musango uwinga leeta umulinganya.



"Ubukata bupelwe kuli Lesa'. Lelo na twisula Ibumba Lyabumi mu cifungo cimo ica muno Kenya na bafungwa abo tuli nokulangilila ifya kutungulula Amabumba Yabumi mu ncende shabo ilyo bakafuma mu cifungo. Ni ntendeka Ibumba Lyabumi na bafungwa cine konse konse."

- Beatrice, Nairobi, Kenya



Ili isambililo lyafumine mu "Uku leeta Umulinganya" isambililo ilya fuma mu "Imifula 3: Ubumi Bula leeta Ifipya."

Kuti mwasanga na fimbi apa:

dignityonline.org.uk/publications